



Hans Reidar Kjærland ved vassinntaket i fjor vinter. (Foto: Ola Matti Mathisen)

**Sjølv om dei fann den store vasslekkasjen på Korsnes er det framleis lekkasjar på nettet og folk bør vera flinke til å tipsa vassverket slik dei allereie har vore. Leitinga etter lekkasjar må halda fram.**

**Det er vassverkleiar Hans Reidar Kjærland som kjem med denne henstillinga etter målingar som vart gjennomført om nettene i helga. Då er den klart største forbrukaren Hjørnevåg ikkje i drift.**

Målingane hadde som konklusjon at forbruket framleis låg på 5,5 liter pr. sekund og så stort forbruk skal det normalt ikkje vera i helgane. Då bør det vera maksimalt 3-4 liter.

Kjærland tenkar fram mot ein eventuell lang og kald vinter og slår fast at det bør i alle fall bør vera 7 liter pr. sekund til disposisjon hvis det ikkje skal bli problem med forsyninga frå Eikelva..

- Når det no er så kaldt er det relativt enkelt å oppdaga lekkasjar, for då frys vatnet der det eventuelt pipar opp, seier vassverkleiaren. Han veit at det i alle fall er ein lekkasje mellom grana og Kleivadalen. Men kvar er den? I tillegg er det sikkert fleire mindre lekkasjar.

Når det er så kaldt som no bør forbrukarane vera flinke til å sørge for isolasjon så røyra ikkje frys. Men dei bør ikkje la vatnet stå og renna.

Av Ola Matti Mathisen